

ASTRID BRITTEN:

Un persona
amicable,
simple y cla
pa yuda!

Astrid Britten ta na cabez di Biblioteca Nacional Aruba y ta net e aña aki cu nan ta celebra 55 aña di existencia y e cambio-nan ta visible.

Astrid cu ta un hende amicable, simple y cla pa yuda. E ta un hende cu ta kere den cambio y e cambio aki pa BNA ta tumando lugar.

PR: E nomber completo?

RS: "Astrid Britten"

PR: Kico bo a studia?

RS: "Despues di a caba Colegio Arubano mi a sigui studia na Hulanda. Mi a haci "Bibliotheek en Documentatieacademie" na Den Haag. Esaki ta un estudio riba nivel di HBO (Hoger Beroepsopleiding)"

PR: Ki tempo bo a cuminsa traha?

RS: "Dia 1 di augustus 1989 mi a cuminsa traha cu Gobierno. Prome cu mi a bin biblioteca mi a bay traha 1 aña cu Banco Central unda mi a pone e base pa nan Bibliotheek y archief. Dia 1 di augustus 1990 mi a bin traha na Biblioteca



Nacional"

PR: Cuanto aña bo tin ta trahando na Biblioteca?

RS: "Na Augustus ultimo mi a cumpli 15 aña trahando na Biblioteca"

PR: Cuanto aña Astrid ta den e funcion actual?

RS: "Na aña 2001 mi tabata director suplente y desde november 2003 mi a keda nombra como director di Biblioteca Nacional"

PR: Nos a mira un "facelift" nobo awor den BNA esaki tin un motibo?

RS: "Nos ta purba pa crea un Biblioteca cu ta responde na e exigencianan di awendia. Banda di loke nos ta haci internamente nos lo mester bin cu renobacion y ampliacion di Biblioteca Nacional. Esaki ta algo cu ya no por wordo posponi"

“Nos mester cuida nos Biblioteca y e mester ta un orguyo pa nos tur. Nos tareanan di mas importante ta promociona lesamento y conserva nos patrimonio cultural. Inculca un cultura di lesamento cerca tur hende”

PR: BNA ta celebra e aña aki hopi aña di existencia cuanto exactamente esaki ta y kico tin prepara?

RS: “Trabao di Biblioteca na Aruba a cuminsa dia 20 di augustus di aña 1949. Aña pasa dia 20 di augustus nos a celebra 55 aña trabao di Biblioteca na Aruba. Pa e ocasion ei nos a introduci nos logo nobo”.

PR: BNA ta bay bin cu mas proyectonan nobo relaciona cu promove lesamento?

RS: “Promocion di lesamento ta un di e puntonan primordial di Biblioteca unda nos kier mostra riba importancia di esaki. Nos ta traha estrechamente cu Fundacion Papiamente cu tambe ta traha riba e tereno aki. Conocemento ta den buki. Mas bo lesa mas bo ta amplia bo habilidad di lesamento. Nos actividadnan ta dirigi riba esaki tambe”

PR: Kico ta loke cu mas boso lo kier enfatisa?

RS: “Importancia di Biblioteca den comunidad di Aruba. Nos tin solamente un Biblioteca na Aruba y esaki ta para meimei di comunidad y tei pa un y tur. Nos mester cuida nos Biblioteca y e mester ta un orguyo pa nos tur. Nos tareanan di mas importante ta promociona lesamento y conserva nos patrimonio cultural. Inculca un cultura di lesamento cerca tur hende”

PR: Bo a soña di traha den Biblioteca, esaki tabata un di bo soñonan?

RS: “Despues cu mi a scohe pa studia pa bibliotecaria semper mi kier a bin traha na Biblioteca pa mi por comparti mi conocemento riba tereno di Biblioteca. Biblioteca ta un instituto indispensable den nos comunidad y un partner pa esnan cu ta traha riba tereno di enseñansa y cultura”

PR: Bo ta sinti bo cla cu bo trabou of ainda tin mas cos cu bo kier haci?

RS: “Hopi ta e trabaonan cu nos mester sigui realisa. Desaroyo y tecnologia ta bay rapido. Un di mi prioridadnan ta pa realisa renovacion y ampliacion di Biblioteca Nacional. Nos sucursal na San Nicolas tambe mester pasa den un proceso di mantencion. E tin un uso hopi extensivo na San Nicolas y becindario”

PR: Kico ta bo mensahe pa fin di aña?

RS: “Pa paz y amor drama den tur hogar na Aruba. E ta un temporada unda famia y miho amigonan ta bin hunto pa celebra e temporada aki. Na personal di Biblioteca Nacional y henter comunidad di Aruba felis diana di fiesta y pa aña 2006 ta uno prospero”.

Entrevista pa: Siomara Everon

